

جریدہ علیہ

مشيخت جليله اسلاميه نك جريدہ رسميه سید

صفر سنہ ۱۳۴۰

عدد ۶۹

شمديلك آيدہ بر نشر اولنور

برنجي سنہ

صلی الله علیه وسلم اشتکت النار الی ربها فقالت یارب اکل بعضی بعضاً فأذن لها بنفسین نفس فی الشتاء ونفس فی الصيف فما کان من سموم وحرور فهو من نفسها وما کان من برد وزمهریر فهو من نفسها)

انسانلر کندیلرینی شمشک حرارتندن هوانک برودتندن وقایه ایچون اوطه لر انشا ایتشلردر . عاقل اولان کیمسه دخی کندینی یوم قیامتده جهنمک ذکر اولسان ایکی نفسندن وقایه ایدمک بر اوطه انشا ایتلدر . زیرا یوم قیامتده جهنم فوران ایدر واعداء الله غیظندن تمیز ایدمک بر حالدله اولارق موقفه قوشار کلیر . اولوقت بویه بر اوطه نک ایچنده اولان کیمسه یی حق تعالی حضرتلری جهنمک شر وسطوتندن وقایه ایدر . طهارت صحت صلاتک شرطی اولدیغندن آنی صلاتدن اول باب مخصوصده ذکر ایدیوروز .

آندن سوکره صره ایله صلاة ، زکاة ، صوم ، حج احکامنی ذکر ایدمک . بونلردن هر برینک امهات مسائلی ظاهرده اولان اسمیه بیان واحکام کلیه سی ایضاح ایدلدکن صکره عین مسئله نک باطنده کی حکمنه انتقال اولنه رق ظاهر و باطن مسائلی اتمام واکمال ایدیله جکدر . ومن الله التوفیق .

(بیان وایضاح)

طهارتک ظاهر آباطناً سبب تسمیه سی بالاده ایضاح ایدلک . بوراده آرتق ان شالله طهارتک احکامنی یعنی طهارت کیمک اوزرینه ونه زمان واجب اوله جعفی و طهارتک افعالی ونه ایله اینلنه جکنی نواقضنی ونه ایچون طهارت ایدلدیکنی ایضاح ایدمک . مع هذا بومسائل فقهیه یی تعمیق ایتمه جکیز . یالکز قارئ بومسائل حقننده کتب فقهیه یه مراجعتدن اغنا ایدمک قدرینی ذکر ایله اکتفا ایلیمه جکیز . ۳۰ تموز ۱۳۳۷ سید شیب

جسارت جاهلانه

مجرد استبعاد ایله عالم لطیفی انکار ایله مک جاهلانه بر جسارتدن ، غافلانه بر جراتدن بشقه برشی دکدر . انسان نه قدر داهی وعالم اولسه صوک آکلایه بیلدیکی شی عجزی وجهلی وصوک واصل اولدینی درجه وله وحیرت درجه سیدر .

بی چاره انسان نه قدر عاجز در که بر لحظه کندی وجودندن دخی قطع نظر ایله سه
اونی ده انکار ایدر. اونه. یوق ایکن صو کره دن وار اولمی، نه ده هیچ یوققله مسبق
اولماق اوزره ازلا وار اولمی، بو وار لقلرک هیچ بری حوصله عقلنه صیغیر اماز.
پیره دن کوچوک حیواناتک وجودینی اکر میقرو سقوب کوزینه صوقاسه یدی قابل
دکل میقرو بلرک وجودینه ده قائل اولاما، اقلیم وجودی اوزرنده دایما مجادله ده بولونان
اواردولری ده انکار ایلردی.

تله فونی، تلغرافی، تراموایی ایشله تدیکنی کورمه، هواپی تخلیه ایدلمش بلورک
ایچریسندن سوزیلوب ضیا اولارق کوزینه کیرمه سه قابل دکل الکتریقک ده وجودینه
قائل اولاما، بلاتردد آنی ده انکار ایلردی.
انسانک عالم لطیفی انکاری ایشته بو کوردکلرینی کورمه دن اول انکار ایتدیکنه
یکزهر.

فقط عجزینی بیله، احتیاطکار اولان انسانلر او یله بلا تفکر، بلا تدقیق هیچ
ریشی انکار ایده مزلر. هراعلام و اخبار ایدیلان شیئه برامکان وجود اولسون ویرلر.
انسان اوفرسنز کوزیله قابل دکل هر شیئی کورده مز. کوردیکسندن میلیون کره چوق
یک چوق شیر واردر که انسان اولری کورمه بیله یکی وحس ایده بیله یکی شیرک شئون
و آتارینی استبصار ایله آکلار.

بریره نک اوزرنده و امعاسنده میلیونلرله میقروب بولوندیغنی بالمشاهده ویا بالتواتر
بیله انسانلر عالم ماده نک (کثافتک) اوتیه یوزنده بر عالم لطیف موجود اولدیغنی نصل
انکار ایده بیلیرلر؟

کندیسنده و هنوعنده دائمی الظهور اولان شئون عجیبه و حادثات غریبه آتی وله
وحیره دوشورمه سی آنجق آنک غرورندن، ضالاندن نشئت ایدر. بی چاره مغرور
عالمده کندی علمندن باشقه علم، اراده سندن باشقه اراده یوق ظن ایده رک عالم لطیفک
وجودینی قطعی بر صورتده کوسترن حادثات روحیه نک هر برینه معاسز بر اسم طاقاراق
ایشک ایچندن چیقمق، کندیغنی عالم یایمق ایستر.

کندیسنده وسائر ذوی الارواحده ظهورینی کوردیکی ملکی والهی الهاملره حس
قبل الوقوع ویا علم غیر شعوری دیمکله، اوان طفولیتده حیاتی حفظایچون ظهوره کله
الهاملره حس طبیعی نامنی ویرمکله، کندیسنده ظهوره کله مختلف اراده لرک وفوق العاده

حالاتك منشأ لرینه شخصیت اولی، شخصیت آخری آدینی قویمقله آكلادم و بیلدم ظن
ایلهر.

هله وجود خالق، قضا و قدرینی اك قطعی برصورتده اثبات ایدن رؤیالره هیچ
عطف نظر اهمیت ایله مز. اویانکاری سببیه اوکی رؤیای صادقعلری کورمکدن محرومدر.
یاخود قلبی مختومدرده اعتبار و تفکردن ممنوعدر.

عشقك بقاسنی، اذواقك دوامنی تمی ایدوب طورورکن برعاشقك معشوقهسینی
اوردیغنی، خوابكه استراحتنده یاتوب طورورکن بلاثهور ولانصور برزوجهسینی
اولدیردیكنی ایشیدوب بیئلر، بیلمهم ناصل اولورده جنك، ارواح خبیثهك وجودینی
درك و تیقن ایدوبده اونلرك تسلط و شرورندن خالق انس و جن و موجد ملك و شیطان
اولان خالق رحیمه استعاذه و دعا لزومنی آكلامازلر !!

ارباب کبر و غرور و احباب ظلم و فسادك عاقبت .. آسمانی بر بلایه اوغرا دیغنی؛ دنیاده
دخی بر جزایه دوچار اولدیغنی بر آرز دقت ایله هر انسان کوره بیلیر. بوشئون مغنویهنی
تفکر ایدئلر مالک یوم الدینی هیج بر زمان انکار ایده مزلر.

«یاغیث المستغیثین اهدنا . لا افتخار آبالعلوم والغناء»

«لا ترغ قلباً هدیة بالکرم . واصرف السوء الذی جف القلم»

والحمد لله الذی علم الانسان ما لم یعلم.

احمد راسم عونى

